


KANTONALNO TUŽITELJSTVO ZENIČKO-DOBOJSKOG KANTONA

GODIŠNJI IZVJEŠTAJ O RADU ZA 2015. GODINU



MASARYKOVA BR. 37, 72000 ZENICA

GODIŠNJI IZVJEŠTAJ O RADU KANTONALNOG TUŽITELJSTVA ZENIČKO-DOBOJSKOG KANTONA ZA 2015. GODINU



Zenica, 29. januar 2016. godine

Sadržaj Izvještaja

I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA	4
II - OSTVARENJE NORME.....	8
III – OSTVARENI KVALITET RADA TUŽITELJSTVA.....	9
IV – AKTIVNOSTI I RAD TUŽITELJSTVA.....	9
IV - 1 Prijava.....	9
IV - 2 Istrage.....	13
IV - 3 Optuženja.....	15
IV - 4 Sporazumi.....	16
IV-5 Pritužbe.....	16
IV-6 Sudske odluke.....	17
V – MALOLJETNIČKI KRIMINAL.....	19
VI - PREDMETI KTA	21
VII – PREDMETI KTN - NEPOZNATI POČINIOCI.....	21
VIII - AKTIVNOSTI NA RJEŠAVANJU PREDMETA IZ RANIJIH GODINA.....	22
IX - AKTIVNOSTI PO PREDMETIMA IZ OBLASTI RATNIH ZLOČINA	25
X - AKTIVNOSTI PO PREDMETIMA PRIVREDNOG KRIMINALA.....	26
XI - OBUSTAVLJENI POSTUPCI ZBOG ZASTARJELOSTI GONJENJA.....	28
XII – ZADUŽENJE TUŽITELJA	29
XIII – PRESUDE DONESENE OD STRANE SUDOVA	30
XIV - R E Z I M E	31
XV - PLANIRANE AKTIVNOSTI ZA NAREDNU GODINU	33

I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA

Kantonalno tužilaštvo-tužiteljstvo Zeničko-dobojskog kantona (u daljem tekstu: Tužiteljstvo) uspostavljeno je Odlukom Visokog sudbenog i tužiteljskog vijeća Bosne i Hercegovine na sjednici održanoj 28.01.2004. godine, i kao samostalan i nezavisan državni organ ima osnovni zadatak na otkrivanju i gonjenju učinitelja krivičnih djela, kao i da vrši i druge Zakonom određene poslove. Poslove iz svoje nadležnosti Tužiteljstvo obavlja sa tužiteljima, državnim službenicima i namještenicima.

Osnovna funkcija Tužiteljstva, kao državnog tijela, je da preduzima Zakonom određene radnje u cilju otkrivanja i gonjenja učinitelja krivičnih djela, da preduzima Zakonom određene mjere za zaštitu interesa zajednice, zaštite ljudskih prava i sloboda, da vrši i druge poslove određene Zakonom o Kantonalnom tužilaštvu-tužiteljstvu Zeničko-dobojskog kantona.

Tužiteljstvo svoja ovlaštenja obavlja na osnovu Ustava i Zakona, Međunarodnih ugovora koji su ratificirani i dio su pravnog sistema BiH, kao i drugih propisa koji su doneseni u skladu sa Zakonima.

U vršenju svoje nadležnosti Tužiteljstvo poduzima sve potrebne mjere i radnje na zaštiti ljudskih prava i sloboda utvrđenih u Ustavu BiH, Ustavu FBiH i Ustavu Zeničko-dobojskog kantona, kao i osnovnih ljudskih prava sadržanih u Evropskoj konvenciji o ljudskim pravima. U skladu sa gore navedenim odredbama Kantonalno tužiteljstvo je ostvarivalo saradnju sa predstavnicima nevladinih organizacija koje se bave pitanjima istraživanja i zaštite ljudskih prava i sloboda.

U obavljanju poslova i zadataka koji proizilaze iz Zakona o krivičnom postupku, Tužiteljstvo je osiguralo brzo i efikasno provođenje krivičnog postupka, kako bi se osiguralo da se na zakonit i efikasan način donose tužiteljski akti, kako u toku istrage tako i u daljim fazama postupka, koliko su to dozvoljavale objektivne okolnosti u kojima djeluje ovo Tužiteljstvo.

Tužiteljstvo je tokom 2015. godine, posebnu pažnju posvetilo:

- Zakonitom vršenju poslova i zadataka,
- Provođenju Strategije o procesuiranju predmeta ratnih zločina,
- Provođenju Strategije o procesuiranju krivičnih djela organizovanog kriminala i korupcije i krivičnih djela privrednog kriminala,
- Bržem i efikasnijem radu na rješavanju starih predmeta u skladu sa Planom,
- Razvijanju saradnje sa policijskim agencijama i ovlaštenim službenim licima,
- Kvalitetnom obavljanju istražnih radnji,
- Jačanju materijalno-tehničkih kapaciteta Tužiteljstva,
- Stručnom usavršavanju nositelja tužiteljske funkcije, državnih službenika i namještenika Tužiteljstva,
- Blagovremenom i objektivnom izvještavanju javnosti o aktivnostima Tužiteljstva,
- Poduzimanju potrebnih aktivnosti u vezi praćenja i realizacije vremenskih rokova za postupanje u predmetima.

U ovom Tužiteljstvu, od osnivanja do danas, rad je organiziran kroz dva Odjela i to: Odjel I (Odjel za privredni kriminal i ratne zločine) i Odjel II (Odjel za opšti kriminal, saobraćaj, krvne i seksualne delikte, maloljetnike i droge).

Odjel I čine dva odsjeka: (1) Odsjek za ratne zločine, u okviru kojeg su postupala tri tužitelja, koji su po potrebi i mogućnostima, prije svega uvjetovano primarnim radom na predmetima RZ, zaduživani i nekim manje složenim predmetima općeg kriminala i (2) Odsjek za privredni kriminal i koruptivna krivična djela, gdje je postupalo deset tužitelja, koji su pored krivičnih djela privrednog kriminala postupali i po prijavama za krivična djela općeg kriminala.

Odjel II čine tri odsjeka: (1) Odsjek za imovinske delikte, saobraćaj, i dr., u kojem postupaju četiri tužitelja, od kojih je jedan bio na dužem bolovanju, a jedan je imenovan u oktobru 2015. godine; (2) Odsjek za krvne i seksualne delikte i drogu i dr., u kojem postupa 5 tužitelja, od kojih je cijelu izvještajnu godinu jedan tužitelj bio pod privremenom suspenzijom, jedan tužitelj je bio na dužem bolovanju, dok je jedan tužitelj takođe imenovan u oktobru 2015. godine; (3) U toku 2015. godine, u okviru Odjela II, formiran je novi Odsjek za maloljetnički referat u kojem tri tužitelja u postupcima u kojima su izvršitelji krivičnih djela maloljetna lica, kao i postupcima u kojima se maloljetnici pojavljuju kao oštećena lica, postupaju u skladu sa odredbama novousvojenog Zakona o zaštiti i postupanju sa djecom i maloljetnicima u krivičnom postupku.

Odjelima rukovode Zamjenici glavnog tužitelja, a odsjecima Šefovi odsjeka.

Ovo Tužiteljstvo postupa pred šest Općinskih sudova i Kantonalnim sudom u Zenici. Jedan Općinski sud i Kantonalni sud, su smješteni u sjedištu Tužiteljstva, u Zenici, dok se ostalih pet Općinskih sudova, kao i odjeljenje Općinskog suda Zavidovići u Maglaju, nalaze izvan Zenice i to na relaciji do Tešnja (udaljenost oko 100 km od Zenice) do Visokog (udaljenost oko 60 km od Zenice). Svaki od ovih sudova ima po najmanje trojicu sudija na krivičnom referatu, koji uglavnom ročišta i pretrese zakazuju u isto vrijeme, pa svaki dan iz Zenice putuje najmanje polovina radno aktivnih tužitelja, radi urednog postupanja pred sudovima.

Sve navedeno ukazuje na prijeku potrebu osnivanja odjeljenja ovog Tužiteljstva van sjedišta Tužiteljstva, što do danas nemamo, a što je predviđeno prema novom Zakonu o tužiteljstvima u Federaciji Bosne i Hercegovine (koji još nije usvojen). Predviđeno je da odjeljenje bude u Visokom, što je vjerovatno, u vrijeme rada radne grupe bilo optimalno rješenje. Međutim, kako je prošlo dosta vremena, te su se izmijenile okolnosti pod kojima je isto predloženo, po novoj i realnoj procjeni najbolje i najefektnije bi bilo osnovati odjeljenje za općine: Žepče, Zavidovići, Maglaj, Tešanj i dr. Ove procjene smatramo opravdanim iz više razloga, a prije svega slijedećim činjenicama: Tužiteljstvo na relaciji prema Tešnju postupa pred četiri suda, pred tim sudovima je veći broj predmeta u zadnje tri godine, znatno je veća udaljenost Tešnja od Zenice, u odnosu na Visoko, lošije su saobraćajnice prema Tešnju, uz činjenicu okončanja izgradnje auto puta kojim se lakše i bezbjednije putuje do Visokog. Za ovom potrebom Tužiteljstva, u više navrata obavještavan je VSTV, ali je očigledno da se čeka usvajanje Zakona o tužiteljstvima u Federaciji BiH, kojim je predviđeno formiranje odjeljenja ovog Tužiteljstva van sjedišta Tužiteljstva.

Analizom zadatih zadataka, Planom i programom rada Tužiteljstva za 2015. godinu i Planova i programa Odjela za ratni zločin i privredni kriminal i Odjela za opći kriminal, može se reći da smo uspješno realizovali zadato, koliko su nam to dozvoljavale objektivne okolnosti u kojima smo postupali tokom 2015. godine, a što se prije svega odnosi na kadrovsku nepopunjenost glede tužitelja, državnih službenika i namještenika, neadekvatan radni prostor, svakodnevnu organizaciju posla (postupanje tužitelja pred pet Općinskih sudova van sjedišta Tužiteljstva), što je sve prepoznato kao nedostatak kroz urađeni Elaborat VSTV-a i odluke VSTV-a o povećanju broja potrebnih tužitelja i usvojenim Pravilnikom o unutrašnjoj organizaciji i poslovanju Tužiteljstva, kojim je povećan broj državnih službenika i namještenika, pa možemo biti izuzetno zadovoljni postignutim rezultatima, posebno cijeneći rad na rješavanju predmeta ratnog zločina, privrednog kriminala, neriješenih predmeta iz ranijih godina, kao i postupanja u skladu sa odredbama novousvojenog Zakona o zaštiti i postupanju sa djecom i maloljetnicima u krivičnom postupku.

Tužiteljstvo je, prema Odluci VSTV-a, tokom 2015. godine, trebalo da ima 33 tužitelja na radu, zajedno sa Glavnim tužiteljem, što nije bilo moguće realizovati, tako da je tokom 2015. godine bilo radno angažovano 27 tužitelja, a efektivno, tokom cijelog izvještajnog perioda, radila su 22 tužitelja, uračunavajući Glavnog tužitelja, koji ne radi na predmetima (sukladno članku 14. Pravilnika o orijentacionim mjerilima za rad tužitelja u Tužiteljstvima BiH), osim na svim predmetima po uložnim pritužbama na negativne odluke tužitelja. Od 27 radno angažovanih tužitelja tokom izvještajnog perioda: 1 tužitelj je bio pod privremenom suspenzijom, 2 tužitelja su bila na bolovanju duže od dva mjeseca, dok su 2 nova tužitelja imenovana u posljednjem kvartalu izvještajne godine. Takođe, jedan tužitelj koji je imenovan u maju 2014. godine je napustio Tužiteljstvo u januaru 2015. godine. Dakle, isključujući Glavnog tužitelja, stvarni broj tužitelja koji su efektivno radili na predmetima je 21 tužitelj, umjesto potrebnih 33 tužitelja.

Pravilnikom o unutrašnjoj organizaciji i poslovanju je predviđeno da se za potrebe ovog Tužiteljstva radno angažuje 12 stručnih suradnika, odnosno njih 8 na poziciji pomoćnika tužitelja, od čega su do sada radno angažovana 3 stručna suradnika-pomoćnika tužitelja.

Budžetom za 2015. godinu nisu bila obezbjeđena sredstva za upošljavanje novih tužitelja, prema odluci VSTV-a, s tim da su kako smo već naveli, imenovana dva nova tužitelja, čijim su imenovanjima samo popunjena mjesta koja su u toku godine ostala upražnjena, tako da je tužiteljstvo i dalje ostalo na broju od 27 tužitelja.

Tokom 2015. godine, uposlena su dodatna dva stručna suradnika na poziciji stručnog suradnika-pomoćnika tužitelja i stručnog suradnika-portparola, koji su sa radom počeli u maju mjesecu 2015. godine. Zapošljavanjem stručnog saradnika-psihologa u 2014. godini omogućeno je da se i od strane Tužiteljstva pruži adekvatna podrška svjedocima i žrtvama, naročito u predmetima ratnog zločina, kao i u predmetima u kojima se pojavljuju maloljetnici, a posebno imajući u vidu da je u 2015. godini započela primjena novog Zakona o zaštiti i postupanju sa djecom i maloljetnicima u krivičnom postupku, koji predviđa značajniju i intenzivniju ulogu psihologa u krivičnom postupku, a što je bilo i od velike koristi i pomoći tužiteljima.

Ovo Tužiteljstvo je od jula 2013. godine bilo uključeno u IPA projekat podrške za rad na predmetima ratnih zločina, u okviru kojeg su angažovana dva stručna suradnika i jedan daktilograf, ali je u junu mjesecu 2015. godine, usljed obustave uplate predviđenih IPA sredstava, raskinut Ugovor sa jednim stručnim suradnikom za rad na predmetima ratnih zločina, dok je na radu ostao jedan stručni suradnik i jedan daktilograf, koji su se privremeno, po prethodno pribavljenoj saglasnosti, finansirali iz budžeta Vlade Kantona. Uplata predviđenih sredstava iz IPA fonda najavljena je za narednu godinu, pa se uz postojećeg jednog stručnog suradnika i daktilografa, planira angažovanje još jednog stručnog suradnika za rad na predmetima ratnih zločina, s tim da će na predmetima ratnih zločina, zbog smanjenog broja istih, u 2016. godini raditi jedan tužitelj, a druga dva će raditi na predmetima privrednog kriminala i korupcije.

Dakle, ovom Tužiteljstvu tokom rada u 2015. godine nedostajao je angažman 5 potrebnih stručnih suradnika-pomoćnika tužitelja.

U okviru organizacione strukture ovog Tužiteljstva je i Ured Sekretara koji pored Sekretara uključuje i stručnog saradnika za odnose s javnošću (koja je pozicija popunjena u maju 2015. godine, nakon imenovanja dotadašnjeg portparola na poziciju tužitelja), kao i stručnog savjetnika za poslove uprave (koja je pozicija trenutno upražnjena), te 40 namještenika, što je nedovoljno prema potrebama ovog Tužiteljstva (obzirom da je sistematizacijom predviđeno 57 namještenika), a što proizilazi iz objektivno utvrđenih potreba Elaboratom VSTV-a, prema kome je neophodno prioritetno uposliti još šest tužitelja, sedam državnih službenika i sedamnaest namještenika.

Dakle, kao i u ranijim izvještajnim periodima, i u 2015. godini su bili zastupljeni kadrovski problemi, prije svega zbog nepopunjenosti kako je predviđeno Pravilnikom i odlukama VSTV-a. U nastavku slijedi tabelarni prikaz predviđenih i popunjenih radnih mjesta po pojedinim pozicijama unutar organizacione strukture Kantonalnog tužiteljstva Zeničko-dobojskog kantona:

POZICIJA	BROJ PREDVIĐENIH RADNIH MJESTA	BROJ POPUNJENIH RADNIH MJESTA	BROJ NEPOPUNJENIH RADNIH MJESTA
TUŽITELJ	33	27	6
DRŽAVNI SLUŽBENIK	14	7	7
NAMJEŠTENIK	57	40	17
UKUPNO	104	74	30

Iz ovih razloga Tužiteljstvo je i tokom 2015. godine nastavilo preduzimati aktivnosti na popunjavanju radnih mjesta predviđenih Pravilnikom o unutrašnjoj organizaciji i poslovanju i Odlukom VSTV-a, kako bi se ojačali kadrovski kapaciteti, što bi trebalo rezultirati efikasnijim radom, posebno glede Strategije za procesuiranje predmeta ratnih zločina koji su preuzeti u nadležnost od Tužiteljstva BiH, Strategije procesuiranja krivičnih djela privrednog kriminala i koruptivnih krivičnih djela. U tom smislu aktivnosti su usmjerene prema VSTV-u BiH, Ministarstvu za pravosuđe i upravu Kantona, te Ministarstvu financija Kantona i očekivati je da se tokom 2016. godine popuni barem određeni dio potrebnih radnih mjesta, nakon što se obezbjeđe materijalna sredstva neophodna za njihovo upošljavanje i nakon što se finalizira preseljenje u novoizgrađenu zgradu. Tužiteljstvo je uspjelo tokom 2015. godine pribaviti potrebne saglasnosti za zapošljavanje još dva stručna suradnika-pomoćnika tužitelja i dva viša referenta-daktilografa, te očekujemo da će se procedura njihovog zapošljavanja uspješno okončati u prvom tromjesečju 2016. godine.

Dakle, pored kadrovskih problema, evidentan je i problem neadekvatnog radnog prostora, koji je uz to i neuslovan, a što će biti riješeno izgradnjom nove zgrade Tužiteljstva koja je, uz naše velike napore, te podršku i razumijevanje VSTV-a, Ministarstva za pravosuđe i upravu i Vlade ZE-DO kantona, započeta u martu 2015. godine, zahvaljujući sredstvima iz IPA fondova uz sufinansiranje Vlade ZE-DO kantona. Završetak izgradnje i radova planiran je za mart 2016. godine, kada bismo trebali preseliti rad Tužiteljstva u prostor nove zgrade, čime će se sigurno stvoriti bolji uslovi za rad u ovom Tužiteljstvu. Naravno ostaje da se pribave neophodna sredstva za opremanje unutarnjeg prostora novoizgrađene zgrade Tužiteljstva, a što smo zasada djelimično osigurali odobrenim donacijama VSTV-a.

II - OSTVARENJE NORME

Kolektivna norma Tužiteljstva, izračunata na osnovu prosjeka ostvarenih pojedinačnih normi tužitelja, iznosi 108,1%, uz napomenu da su u izračun prosječne kolektivne norme uzete u obzir ostvarene pojedinačne norme 23 tužitelja, dok norma 2 novoimenovana tužitelja koja su počela sa radom u oktobru 2015. godine, nije računata.

Najveća ostvarena pojedinačna norma iznosi 162,22%, dok najmanja ostvarena pojedinačna norma iznosi 68,21%, s napomenom da se radi o preračunatoj normi za vrijeme provedeno na radu tužitelja koji je duže vrijeme bio na bolovanju, dok najmanja ostvarena pojedinačna norma tužitelja koji je bio na radu cjelokupan izvještajni period iznosi 83,02%.

Ostvarenje pojedinačne norme iznad 100% imalo je 13 tužitelja, dok je normu manju 100% ostvarilo 10 tužitelja, od kojih je 1 tužitelj duže vrijeme bio odsutan zbog bolovanja, dok su 2 tužitelja počela sa radom u drugoj polovici 2014. godine.

III – OSTVARENI KVALITET RADA TUŽITELJSTVA

Ostvareni kvalitet rada Tužiteljstva u izvještajnom periodu, uzimajući u obzir Kriterije za ocjenjivanje rada tužitelja, na visokom je nivou, odnosno kada se uzmu u obzir svi predviđeni elementi pojedinačnih ocjena rada tužitelja, primijenjeni na cjelokupan tužiteljski kolektiv, rad Tužiteljstva je ocijenjen izuzetno uspješnim.

Tužiteljstvo, po osnovu kvaliteta tužiteljskih odluka koji iznosi visokih 94% ostvaruje 40 bodova, što je i najveći predviđeni broj bodova, dok po osnovu ostvarene kolektivne norme od 108,1%, ostvaruje takođe maksimalnih 50 bodova.

Takav rezultat smatramo izuzetno uspješnim, a s obzirom na ranije pomenutu činjenicu da je Tužiteljstvo radilo sa znatno smanjenim kadrovskim kapacitetima, odnosno da je umjesto 33 tužitelja efektivno radio 21 tužitelj, što čini 63,64% predviđenog tužiteljskog radnog kapaciteta, te da pored smanjenog broja tužitelja nedostaje ukupno 24 zaposlenika iz kategorije državnih službenika i namještenika.

IV – AKTIVNOSTI I RAD TUŽITELJSTVA

Svi predmeti protiv punoljetnih počinitelja, koji su zaprimljeni u toku 2015. godine, kao i neriješeni predmeti iz ranijih godina, predstavljaju predmete koji su se nalazili u radu u Tužiteljstvu. Sve aktivnosti Tužiteljstva u okviru zakonitog postupanja, odvijale su se kroz nekoliko faza, pa ćemo statističke pokazatelje iskazati kroz fazu istrage, fazu optuženja i fazu glavnog pretresa. Pokazatelji o radu i aktivnostima Tužiteljstva, po svim predmetima, po poznatim punoljetnim počiniocima krivičnih djela, prikazat ćemo kako slijedi:

IV - 1 P r i j a v e

U toku 2015. godine Tužiteljstvo je zaprimilo, po poznatim počiniocima krivičnih djela, ukupno 3508 prijava protiv punoljetnih lica, zajedno sa prijavama u predmetima ratnih zločina (2014. god. - 3512) i 132 prijava protiv maloljetnih lica (2014. god. - 178), pa je tako ukupno zaprimljeno prijava protiv 3640 lica (2014. god. - 3690), što je za oko 1,36 % manje u odnosu na prethodnu 2014. godinu.

Ovom broju treba dodati i preneseni broj neriješenih prijava po poznatim počiniocima iz ranijih godina i to prijava protiv ukupno 1754 lica (2014. god. - 1859), od čega se na punoljetna lica odnosi 1722, a na maloljetna lica 32, što je za oko 5,65 % manje u odnosu na prethodnu 2014. godinu.

Prikazat ćemo ove podatke u tabeli:

PERIOD	«KT»	«KTM»	UKUPNO:
Preneseno prijava iz ranijih godina	1722	32	1754
Zaprimljeno prijava u 2015. godini	3508	132	3640
UKUPNO U RADU:	5230	164	5394

Iz tabele se vidi da je u izvještajnoj godini, u radu bilo predmeta protiv ukupno 5394 poznatih počinitelja (2014. god. - 5549), od čega se na punoljetne osobe odnosi broj od 5230, a na maloljetne broj od 164.


Analiza strukture kriminaliteta u 2015. godini, pokazuje da je u odnosu na prethodnu 2014. godinu, u pojedinim grupnim zaštitnim objektima Krivičnog zakona, došlo do povećanja zaprimljenih izvještaja, dok je u drugim došlo do smanjenja, posmatrano prema broju podnesenih krivičnih prijava, pa je tako:

1. Smanjenje broja podnesenih izvještaja u odnosu na 2014. godinu prikazano po pojedinim Glavama iz Krivičnog zakona:

Redni broj	Glava krivičnog zakona	Naziv	Broj prijava 2013.	Broj prijava 2014.	Broj prijava 2015.	Smanjenje u odnosu na 2014.g.
1.	XX	Protiv braka, porodice i mladeži	200	237	209	11,81%
2.	XXIV	Protiv radnih odnosa	5	14	10	28,57%
3.	XXVI	Protiv okoliša, poljoprivrede i prirodnih dobara	720	532	515	3,20%
4.	XXVII	Protiv opće sigurnosti ljudi i imovine	88	117	68	41,88%
5.	XXVIII	Protiv sigurnosti javnog prometa	131	144	138	4,17%

2. Povećanje broja podnesenih izvještaja u odnosu na 2014. godinu prikazano po pojedinim Glavama iz Krivičnog zakona:

Redni broj	Glava krivičnog zakona	Naziv	Broj prijava 2013.	Broj prijava 2014.	Broj prijava 2015.	Povećanje u odnosu na 2014.g.
1.	XVI	Protiv života i tijela	167	145	157	8,28%
2.	XVII	Protiv sloboda i prava čovjeka i građanina	118	140	143	2,14%
3.	XXI	Protiv zdravlja ljudi	258	204	236	15,69%
4.	XXII	Protiv privrede, poslovanja i sigurnosti platnog prometa	82	69	75	8,70%
5.	XXV	Protiv imovine	1033	1076	1081	0,46%
6.	XXXI	Protiv podmićivanja i protiv službene i druge odgovorne funkcije	185	273	334	22,34%



Na kraju 2015. godine ostalo je neriješenih prijava protiv 1748 lica (2014. god. - 1763), od kojih 1731 prijava protiv punoljetnih lica, dok je u pogledu maloljetničkog postupka ostalo neriješeno prijava protiv 17 lica, što je za oko 1% manje u odnosu na prošlu godinu, a što se može smatrati dobrim rezultatom, obzirom na ukupan broj prijava u radu i postignute rezultate u prethodnom i tekućem izvještajnom periodu. Ove podatke prikazat ćemo u tabeli:


RIJEŠENE/NERIJEŠENE PRIJAVE U 2015. GODINI – PRIKAZANO PO LICIMA

Predmeti	U radu	Riješeno	Neriješeno
KT	5230	3499	1731
KTM	164	147	17
UKUPNO	5394	3646	1748

Dakle, u 2015. godini ukupno je u radu bilo prijava protiv 5230 punoljetnih lica (2014. god. - 5343), što je za oko 2,1% manje u odnosu na prethodnu godinu. Također, ukupno je riješeno prijava protiv 3499 punoljetnih lica (2014. god. - 3612), što je u odnosu na prethodnu godinu za 3% manje, te je ostalo neriješenih prijava protiv 1731 punoljetnih lica, što je identičan broj kao u protekloj godini, s tim da je u odnosu na proteklu godinu smanjen broj neriješenih prijava protiv maloljetnih lica za gotovo 50% (2014. god. - 32; 2015. god. -17), tako da je i ukupan broj neriješenih prijava manji u odnosu na 2014. godinu. Ostvareni rezultat je posljedica velikog zalaganja tužitelja i drugog osoblja, obzirom da je tokom cijele godine s punom radnom aktivnošću radio 21 tužitelj, te da nedostaje 7 državnih službenika i 17 namještenika, što znači da je sa znatno smanjenom kadrovskom popunjenošću Tužiteljstva, velikim zalaganjem radno aktivnih tužitelja, priliv prijava i u toku ove izvještajne godine riješen u procentu od 100,2%.

Dakle, da je u Tužiteljstvu efektivno radilo predviđenih 33 tužitelja, rezultati glede riješenih prijava bi bili znatno bolji obzirom da, iz činjenice da je 21 tužitelj riješio ukupno 3646 prijava, odnosno prosječno po tužitelju 174 prijave, osnovano se pretpostavlja da bi nedostajućih 11 tužitelja, da su rješavali prosječno po 174 prijave, riješilo još 1914 prijava, što znači da bi riješili ukupan broj prijava u radu, odnosno sve novozaprimljene prijave i prijave iz ranijeg perioda.

Navedeni podaci o smanjenju neriješenih prijava po godinama predstavljeni su u dijagramu:



U toku izvještajne godine, ukupno je u radu bilo prijava protiv 164 maloljetnih lica (2014. god. - 206), od kojih su 132 prijave zaprimljene u 2015. godini. U izvještajnom periodu riješeno je prijava protiv 147 maloljetnih lica, odnosno riješeno je oko 111,36% pristiglih prijava, što je znatno bolji rezultat nego u protekloj godini kada je riješeno 97,75% pristiglih prijava, a naročito kada se uzme u obzir da su u ovoj godini rad i postupanje tužitelja morali biti usuglašeni sa odredbama novog Zakona koji se primjenjuje u postupcima u kojima učestvuju djeca i maloljetna lica, što prema navedenim pokazateljima, ni na koji način nije utjecalo na kvalitet rada ovog Tužiteljstva u navednim postupcima.

IV - 2 Istrage

U toku 2015. godine bilo je ukupno u radu istraga protiv 3413 lica (2779 istraga naređenih u toku izvještajnog perioda i 634 istraga prenesenih iz ranijih godina), od kojih je riješeno istraga protiv 2842 lica, dok je na kraju izvještajnog perioda ostalo neriješenih istraga protiv 571 lica, što je za oko 7% manje u odnosu na proteklu godinu. Takođe, kao i kod riješenosti priliva prijava, riješenost istraga u ovoj izvještajnoj godini iznosi 102,3%.

Navedeni podaci prikazani su u tabeli:

Prenesene istrage	Naređene istrage	Istrage u radu	Riješene istrage	Neriješene istrage
634	2779	3413	2842	571

U izvještajnoj godini doneseno je naredbi o provođenju istrage protiv 2779 lica (2014. god. - 2897), naredbi o neprovođenju istrage protiv 603 lica, isto kao i protekle godine, te naredbi o obustavi istrage protiv 506 lica (2014. god. - 563), što je za 10,12% manje obustavljenih istraga u odnosu na 2014. godinu.

Dakle, da je u Tužiteljstvu efektivno radilo predviđenih 33 tužitelja, rezultati glede riješenih istraga bi bili znatno bolji obzirom da, iz činjenice da je 21 tužitelj riješio ukupno 2779 istraga, odnosno prosječno po tužitelju 132 istrage, osnovano se pretpostavlja da bi nedostajućih 11 tužitelja, da su rješavali prosječno po 132 istrage, riješilo još 1452 istrage, što znači da bi riješili ukupan broj i novonaređenih istraga i prenesenih istraga iz ranijeg perioda.

Odluke	Neprovođenje istrage	Provođenje istrage	Obustava istrage	Neriješene istrage
Broj	603	2779	506	571

Broj tužiteljskih odluka, kojima se predmeti završavaju u fazi istrage i ne dolazi do optuženja, glede naredbi o neprovođenju istrage, posljedica su većeg broja podnesenih krivičnih prijava od strane fizičkih i pravnih lica, iz kojih proizilazi da ne postoji osnov sumnje da je krivično djelo izvršeno, pa ni nakon prikupljanja dokaza od strane tužitelja, i veoma često su u pitanju prijave bez ikakvog smisla, gdje se može jedino utvrditi da se radi o nekim subjektivnim doživljajima pojedinca, koje su često posljedica i psihičkog stanja podnosioca prijava, a jednim dijelom se radi o krivičnim prijavama iz kojih se jasno vidi da se radi o građansko-pravnom odnosu, gdje pojedinci nastoje da kroz krivični postupak pokušaju izgubljeno povratiti podnošenjem krivične prijave i eventualnim krivičnim postupkom. Analiza negativnih odluka donesenih u 2015. godini pokazala je da je oko 40% prijava povodom kojih su donesene negativne tužiteljske odluke, podneseno od strane fizičkih i pravnih lica, a kod naredbi o neprovođenju istrage taj procenat iznosi 45%.

Takođe, detaljnom analizom negativnih tužiteljskih odluka došlo se i do zaključka da veliki broj prijava u tim predmetima podnose nadležne policijske agencije, što svakako ukazuje na potrebu da se u predstojećem periodu posveti značajnija pažnja edukaciji i stručnom osposobljavanju i usavršavanju policijskih kadrova, a sve u cilju pripreme što kvalitetnijih izvještaja na osnovu kojih će tužitelji provoditi brže, efikasnije i učinkovitije istrage.

Na kraju izvještajnog perioda ostalo je neriješenih istraga protiv 571 lica, zajedno sa licima za krivična djela ratnog zločina kojih je 17 (2014. god. - 611), što je za oko 10% manje neriješenih istraga u odnosu na proteklu 2014. godinu.

IV - 3 Optuženja

Nakon okončanja istrage, tužitelji su podnosili optužnice kod nadležnih sudova, pa ćemo u slijedećoj tabeli prikazati podatke o istim:

Optuženja	Ukupno okončano istraga	Broj podignutih optužnica	Optužnice sa kaznenim nalogom	Optužnice bez kaznenog naloga	Potvrđene optužnice sa kaznenim nalogom	Potvrđene optužnice bez kaznenog naloga
Broj	2842	2313	776	1537	765	1569

Dakle, po okončanju istrage tužitelji su podigli optužnica protiv 2533 lica, od čega je optužnica sa kaznenim nalogom protiv 776 lica, (2014. god - 803), dok je optužnica bez kaznenog naloga podignuto protiv 1537 lica, što je za 72 lica manje u odnosu na prethodnu godinu (2014. god - 1609), a što ukazuje da su istrage vođene za složenija krivična djela, koja u konačnici imaju optužnice bez kaznenog naloga, gdje Tužiteljstvo očekuje bezuvjetne kazne.

U 2015. godini, 21 tužitelj, koji su bili potpuno radno angažovani tokom cijelog izvještajnog perioda, podigli su 2313 optužnica, odnosno svaki tužitelj prosječno po 110 optužnica, iz čega proizilazi da bi nedostajućih 11 tužitelja podigla još 1210 optužnica, što bi zaista bio impozantan broj.

Od ukupnog broja podignutih optužnica u toku izvještajnog perioda, sudovi u Kantonu su potvrdili optužnice protiv ukupno 2334 lica (2014. god - 2358), za 3 lica je odbijeno potvrđivanje optužnice (2014. god - 1), dok u optužnicama protiv 189 lica nije donesena odluka u smislu člana 243. Zakona o krivičnom postupku. Treba pojasniti da brojke o potvrđenim optužnicama, obuhvaćaju i podatke o optužnicama podignutim u 2014. godini, po kojima sudovi nisu u toku 2014. godine donijeli svoju odluku.

Cijeneći podatke o broju podignutih optužnica i broju donesenih presuda (osuđujućih, oslobađajućih i odbijajućih), može se reći da je kvalitet podignutih optužnica izuzetno visok, kao i ranijih godina.

Na osnovu istaknutih podataka, može se zaključiti da se, kao i prethodne godine, krivične istrage provode brže, u kraćem roku se dolazi do kvalitetnih tužiteljskih odluka, a time su postignuti dobri rezultati. Na ovaj način se ostvaruje efikasnost u provođenju zakona i ostvaruje osnovna uloga Tužiteljstva u otkrivanju i gonjenju počinitelja krivičnih djela. Usljed ovakvog angažmana tužitelja i svih drugih zaposlenih u Tužiteljstvu, te aktivnosti sudova, brža je krivično-pravna zaštita, što sve u krajnjem odražava efikasniji i ekonomičniji krivični postupak.

Kod tzv. težih krivičnih djela, kao i u ranijem periodu, istrage duže traju, a što je i objektivno, jer je u takvim predmetima potrebno prikupiti veći broj dokaza, provesti različita vještačenja, čak i više vještačenja u okviru jednog predmeta, čime se usporava rad u istrazi i sporije dolazi do tužiteljskih odluka.

IV - 4 Sporazumi

U toku ovog izvještajnog perioda predloženo je sporazuma o priznanju krivnje sa 117 lica, što je nešto više u odnosu na prethodnu godinu (2014. god - 112). Sudovi su od ukupnog broja podnesenih sporazuma, prihvatili sporazume za 107 lica (2014. god. – 107), niti jedan predloženi sporazum nije odbijen, dok sudska odluka nije donesena za predložene sporazume za 10 lica.

Od svih zaključenih sporazuma, sudovi su donijeli osuđujuće presude protiv 107 lica, kojima su izrečene slijedeće sankcije: 34 zatvorske kazne, 71 uvjetnih osuda i 2 novčane kazne.

Sporazumi su zaključivani uglavnom na inicijativu optužene strane i najviše zaključenih sporazuma je za krivična djela neovlaštene proizvodnje i stavljanje u promet opojnih droga (14), teška krađa (11), teška tjelesna ozljeda (8), teška krivična djela prtoiv sigurnosti javnog promenta (8), nasilničko ponašanje (6) i dr.

IV-5 Pritužbe

U izvještajnoj godini Ured tužitelja je zaprimio ukupno 88 pritužbi (2014. god. – 106) na donesene negativne tužiteljske odluke (naredbe o neprovođenju istrage i naredbe o obustavi istrage), što je za 18 pritužbi manje u odnosu na prethodnu godinu. Cijeneći broj pritužbi u odnosu na broj donesenih naredbi o neprovođenju istrage i obustavi istrage, ovdje se može konstatovati dobar kvalitet rada tužitelja na ovim odlukama, obzirom da je ukupan broj negativnih odluka bio protiv 1109 lica, što će reći da je pritužbama pobijano svega 7,94 % negativnih odluka, što dalje ukazuje da su tužitelji negativne odluke donosili pravilno i zakonito.

Iz ranijeg peroda ostalo je neriješenih 18 pritužbi koje su podnesene nakon 15.12.2014. godine, tako da je ukupno u radu bilo 106 pritužbi, od kojih je tokom izvještajnog perioda riješeno 97 pritužbi i to na način da je 17 pritužbi uvaženo kao osnovane, po 13 pritužbi je doneseno obavezno uputstvo te naloženo provođenje istražnih radnji, dok su 60 pritužbi odbijene kao neosnovane, a 7 pritužbi je odbačeno kao nedopuštene ili neblagovremene, što znači da je odbijeno i odbačeno ukupno 67 pritužbi, dok je na kraju izvještajnog perioda ostalo neriješeno 9 pritužbi, koje su zaprimljene nakon 15.12.2015. godine.

U toku 2015. godine, Federalnom tužiteljstvu je po pravu nadzora, upućeno 10 zahtjeva radi ispitivanja odluke Glavnog tužitelja o odbijanju pritužbe, te je svih 10 podnesenih zahtjeva odbijeno, odnosno potvrđene su odluke Glavnog tužitelja, kao zakonite i pravilne.

IV - 6 Sudske odluke


Prvostepeni sudovi su, po optužnicama koje su podignute u ranijem periodu kao i po optužnicama podignutim u toku 2015. godine, donijeli ukupno presuda protiv 2255 lica na način da je presuđeno osuđujućom presudom 2083 lica (od toga je 9 sudskih opomena), oslobađajućom presudom 130 lica, te je doneseno 49 odbijajućih presuda. Dakle, u odnosu na proteklu izvještajnu godinu kvalitet osuđujućih presuda u 2015. godini se poboljšao, tako da one čine 92,38% svih donesenih presuda (2014. – 91,53%), dok se istovremeno procenat oslobađajućih i odbijajućih presuda smanjio se za 13%. Za 17 lica postupak je obustavljen sudskom odlukom.

Na sljedećoj tabeli ćemo prikazati prvostepene presude po vrstama sankcija:

UKUPAN BROJ DONESENIH PRESUDA	OSUĐUJUĆE PRESUDE					Oslobađajuće presude	Odbijajuće presude
	Sudske opomene	Zatvorske kazne	Novčane kazne	Uvjetne osude	Oslobađanje od kazne		
2255	9	521	37	1514	2	130	42
100%	0,4%	23,10%	1,64%	67,15 %	0,09%	5,76%	1,86 %
92,38 %							

Iz naznačene tabele proizilazi da su sudovi u Kantonu, u izvještajnoj godini, izrekli ukupno osuđujućih presuda protiv 2083 lica, uključujući 9 sudskih opomena i 2 osuđujuće presude gdje je izvršilac oslobođen od kazne (2014. god. - 2129), a da su prema vrstama izrečenih sankcija utvrđene slijedeće sankcije: zatvorske kazne protiv 521 lica ili 23,10% (2014. god. - 539), novčane kazne protiv 37 lica ili 1,64% (2014. god. - 18) i uvjetne osude protiv 1514 lica ili 67,15% (2014. god. - 1564).

Struktura osuđujućih presuda u 2015. godini prikazana je na slijedećem grafikonu:



Analizom naprijed navedenog broja i vrste izrečenih kazni iz prethodnog perioda, može se zaključiti da je broj zatvorskih kazni i uvjetnih osuda ostao na približno istom nivou, dok se broj novčanih kazni udvostručio u odnosu na proteklu 2014. godinu, a Tužiteljstvo će i u 2015. godini, nastaviti svoje aktivnosti kako bi došlo do značajnijeg pooštavanja kaznene politike, a prije svega kod povratnika, posebno specijalnih povratnika, zatim za pojedine vrste krivičnih djela, te kod produženih krivičnih djela.

Od ukupno optuženih punoljetnih lica, kako iz ranijih godina, tako i iz 2015. godine, na prvostepenim sudovima je ostalo nepresuđenih 2004 lica, što je identičan broj kao i u protekloj godini, čemu je prethodio veliki broj glavnih pretresa kojima su tužitelji prisustvovali, ukupno 5668 ročišta, od toga je 66,00% ročišta izvan sjedišta Tužiteljstva, odnosno 3741 ročišta.

V – MALOLJETNIČKI KRIMINAL

Imajući u vidu značaj i ulogu Tužiteljstva u cilju ostvarivanja svoje funkcije, daje se veliki doprinos na sprječavanju pojave socijalne patologije i kriminaliteta kod maloljetnika. Stoga imamo obavezu da brzo i efikasno rješavamo predmete maloljetničke delinkvencije, te na taj način preventivno djelujemo na sprječavanje i suzbijanje ove vrste kriminala koji je veoma štetan za društvo u cjelini. Imajući u vidu specifičnosti ove vrste kriminala, a prije svega zbog starosne dobi počinitelja krivičnih djela i njihove ličnosti, kompletan postupak kod ove vrste počinitelja provodi se sa naročitom oprežnošću i osjetljivošću, a od februara 2015. godine u primjeni je i novi Zakon o zaštiti i postupanju sa djecom i maloljetnicima u krivičnom postupku.

Isti način postupanja je i kod donošenja tužiteljskih odluka tj. kod procjene, koja od mjera se treba poduzeti prema maloljetnim delinkventima, jer je osnovni princip postupanja da se ostvari proces resocijalizacije, odnosno vraćanje maloljetničkih delinkvenata u normalan život, te njihovog odvraćanja od vršenja krivičnih djela, a ne represija. Stoga, rijetki su prijedlozi Tužiteljstva da se prema maloljetnim počiniocima krivičnih djela izrekne maloljetnički zatvor, osim kod najtežih oblika krivičnih djela, posebno što je za takve prijedloge potrebno da se ostvari više zakonom propisanih kumulativnih uvjeta.

Kompletna aktivnost Tužiteljstva, u ovoj oblasti, koordinirana je sa predstavnicima Ministarstva unutarnjih poslova, te sa predstavnicima Centara za socijalni rad po općinama u Kantonu, koji imaju specifičnu zakonsku ulogu u ovom postupku, zbog čega je suradnju sa istima potrebno još više unaprijediti, kako bi se postigli još bolji rezultati u ostvarenju predviđenih ciljeva.

U strukturi krivičnih djela koja su počinili maloljetnici po podnesenim izvještajima, najveći broj izvještaja, kao i u prethodnim periodima, odnosi se na krivična djela iz slijedećih Glava KZ FBiH: XXV-protiv imovine, XXVI-protiv okoliša, poljoprivrede i prirodnih dobara, XXVIII-protiv sigurnosti javnog prometa, XVII-protiv slobode i prava čovjeka i građanina.

Za ova krivična djela u 2015. godini:

- podneseno je zahtjeva za pokretanje pripremnog postupka protiv 28 lica (2014. god. - 83);
- iz ranijih perioda preneseno zahtjeva za pokretanje pripremnih postupaka protiv 22 lica, (2014. god. - 43);
- odbačeno je prijava protiv 114 lica (2014. god. - 86), a od tih mladb. lica, njih 23 (2014. god. - 7) su djeca koja nisu krivično odgovorna;
- obustave postupka protiv 11 lica, (2014. god. - 54)
- podneseno prijedloga za izricanje vanzavodske mjere protiv 21 lica (2014. god. - 46)
- podneseno prijedloga za izricanje kazne maloljetničkog zatvora za 1 lice, kao i predhodne godine (2014. god. - 1) dok je za 3 lica podnesen prijedlog za izricanje zavodske mjere

- u skladu sa Zakonom o zaštiti i postupanju sa djecom i maloljetnicima u krivičnom postupku, predloženo je izricanje 16 policijskih upozorenja, od kojih je 15 odobreno od strane tužitelja, dok je 1 prijedlog odbijen.

U toku izvještajne godine, sudovi su riješili maloljetničkih postupaka po prijedlozima Tužiteljstva protiv 27 lica, (2014. god. - 104), a od toga je izrečena kazna maloljetničkog zatvora za 1 lice (2014. god. - 1), te vanzavodskih mjera za 14 lica (2014. god. - 49) i zavodska mjera za 1 lice. Istovremeno, postupak je obustavljen protiv 11 maloljetnih lica (2014. god. - 54).

Iz iznesenih podataka vidljivo je da se u 2015. godini, u odnosu na prethodnu, značajno smanjio broj pripremnih postupaka, za 60,32%, broj prijedloga za obustavu postupka za 68,63% i broj prijedloga za izricanje odgojnih mjera za 48,94%.

Istovremeno, uočljivo je da se u odnosu na 2014. godinu u ovoj godini utrostručio broj odluka o nepokretanju postupka iz razloga jer se radilo o djeci (2014. god. - 7; 2015. god. - 23).

Također, kod sudova je u fazi pripremnog postupka ostalo neriješeno predmeta protiv 2 maloljetna lica (2012. god. - 48 lica; 2013. god. - 43 lica; 2014. god. - 22), što je manje u odnosu na prethodnu godinu za oko 90,9%.

Ovdje je veoma važno istaći da je novim Zakonom o zaštiti i postupanju sa djecom i maloljetnicima u krivičnom postupku, kojim je predviđena znatno veća uloga tužitelja kod procesuiranja maloljetnih lica i u radu na krivičnim predmetima gdje je dijete ili maloljetnik oštećen krivičnim djelom. Zakonom je predviđeno je niz novina koje za sobom povlače potrebu znatnih materijalnih sredstava za nabavku tehničke opreme, prostornog uređenja za zakonito provođenje radnji ispitivanja i saslušanja maloljetnih lica, naknade advokatima i sl.

S tim u vezi ovo Tužiteljstvo je u ranijim godinama kroz svoje budžetske zahtjeve isticalo navedene potrebe, kojima se djelimično udovoljilo, a sredstvima UNDP-a, krajem 2015. godine izvršeno je preuređenje kancelarije u kojoj su bili smješteni stručni suradnici, u ured za podršku svjedocima, u kojem će u jednom dijelu raditi stručni suradnik – psiholog, dok će drugi dio, uz prateću tehničku opremu, biti adaptiran za potrebe saslušanja maloljetnih lica.

Takođe, u 2015. godini, u okviru Odjela II, oformljen je i poseban Odsjek za maloljetnički kriminal, u kojem postupaju tri tužitelja koji su, kao i svi drugi tužitelji, prošli propisanu stručnu obuku i dobili potrebne certifikate za postupanje u predmetima u kojima učestvuju djeca i maloljetna lica, u skladu sa novousvojenim Zakonom.

VI - PREDMETI KTA

Tokom izvještajnog perioda Tužiteljstvo je zaprimilo ukupno 1061 predmet koji su zavedeni u KTA upisnik (2014. god. - 753), što je u odnosu na prethodnu izvještajnu godinu znatno povećanje od 41% više novootvorenih KTA predmeta.

Od ukupnog broja KTA predmeta koji su se nalazili u radu i to 1813 predmeta (2014. god. - 1404), riješeno je 1112, što je povećanje riješenih predmeta u odnosu na 2014. godinu za 70,55% (2014. godine je riješeno 652 KTA predmeta), a ostalo je neriješeno 701 predmeta (2014. god. - 752), pa se može zaključiti da su tužitelji kod rješavanja ovih predmeta, koji obuhvataju i anonimne prijave za čije rješavanje se ulaže mnogo truda i vremena, pokazali izuzetno dobre rezultate.

VII – PREDMETI KTN - NEPOZNATI POČINIOCI

U toku 2015. godine zaprimljeno je ukupno 1016 prijava za počinjena krivična djela po nepoznatim počiniocima (2014. god. - 839), što je za 177 KTN prijava više u odnosu na prethodnu godinu, dok je iz ranijeg perioda ostalo neriješeno ukupno 5990 prijava protiv nepoznatih počinilaca.

U toku izvještajnog perioda, po ovom osnovu, ukupno je bilo u radu 7006 prijava, od kojih je ukupno riješeno 729 prijava, a na kraju izvještajnog perioda ostalo je ukupno 6277 neriješenih prijava (od kojih je 2359 starih predmeta koji nisu uneseni u TCMS). Analizom rješavanja prijava po nepoznatim izvršiteljima može se zaključiti da je u ranijim izvještajnim periodima zabilježena tendencija pada krivičnih prijava protiv nepoznatih počinilaca, dok je u 2015. godini porastao broj prijava protiv nepoznatih počinilaca za 21%.

Tokom 2015. godine neophodno je, kao i u predhodnoj izvještajnoj godini, nastaviti kontinuirani rad na predmetima protiv nepoznatih počinitelja u cilju smanjenja broja ovih krivičnih prijava, a posebna pažnja će biti usmjerena na teža krivična djela po nepoznatim počiniteljima (ubojstva, razbojništva i sl.).

VIII - AKTIVNOSTI NA RJEŠAVANJU PREDMETA IZ RANIJIH GODINA

Kantonalno tužiteljstvo ZE-DO kantona je tokom 2015. godine, kao i prethodne godine, veliku pažnju posvetilo rješavanju predmeta iz ranijih godina (prijava i istrage starije od dvije i više godina). Radi ostvarenja navedenog cilja sačinjeni su Planovi rješavanja starih predmeta i praćena je realizacija istih. Aktivnosti preduzete na ovom planu imale su za posljedicu aktivan rad tužitelja, koliko su dozvoljavale objektivne okolnosti, s tim da će se ove aktivnosti kontinuirano nastaviti i tokom 2016. godine donošenjem novih planova za rješavanje predmeta iz starijih godina i praćenjem realizacije istih. U intenzivnim aktivnostima na rješavanju starih predmeta od septembra 2015. godine, pomoć su pružila i tri pravna saradnika, koja su angažovana na period od 6 mjeseci u okviru USAID-ovog projekta "Podrška pravosuđu u BiH".

U toku izvještajnog perioda, u ovom Tužiteljstvu je, u skladu sa Planom rješavanja starih predmeta, u radu ukupno bilo 383 predmeta starijih od dvije i više godina, od kojih 176 KTA predmeta i 207 KT predmeta i to 77 predmeta u fazi istrage i 130 predmeta u fazi prijave. Tužiteljstvo je na kraju izvještajne godine u realizaciji Plana za rješavanje starih predmeta ostvarilo rezultat od 82%, odnosno riješeno je 314 predmeta od njih 383, što smatramo odličnim rezultatom, s obzirom na smanjeni kapacitet angažovanih i radno aktivnih tužitelja.

U skladu sa Planom za rješavanje starih predmeta na dan 01.01.2015. godine, neriješenih KT predmeta u fazi istrage je bilo ukupno 77 i to: 32 predmeta starija od dvije godine, 19 predmeta starijih od tri godine, 10 predmeta starijih od četiri godine i 16 predmeta starijih od pet i više godina. U fazi prijave je ukupno bilo 130 neriješenih predmeta i to: 81 predmet stariji od dvije godine, 30 predmeta starijih od tri godine, 13 predmeta starijih od četiri godine i 6 predmeta starijih od pet i više godina.

Tokom 2015. godine riješeno je 157 starih KT predmeta, pa je na kraju 2015. godine ostalo neriješenih 17 predmeta u fazi prijave, što znači da je riješeno 86,92% prijava u radu, a u fazi istrage je ostalo 32 predmeta, dakle riješeno je 45 predmeta (u odnosu na inicijalni 77 na dan 01.01.2015. godine), kao i 63 predmeta koja su u toku 2015. godine prešla u fazu istrage, što znači da je u toku 2015. godine ukupno riješeno 108 predmeta u fazi istrage, što čini 140,3% riješenih istraga u odnosu na inicijalni broj istraga u Planu za 2015. godinu.

Svi stari neriješeni predmeti u fazi istrage i u fazi prijave nisu okončani iz objektivnih razloga, a to su prije svega raspisane potrage za osumnjičenim licima, međunarodna pravna pomoć/pravna pomoć, bolest osumnjičenog lica, dugotrajna i višestruka vještačenja, kao i složenost predmeta koja zahtijeva poduzimanje obimnijih i dugotrajnijih istražnih radnji.

U pogledu istraga koje nisu starije od dvije godine, Tužiteljstvo riješilo ukupno 2011 istraga sa starošću do dvije godine, i to: 814 istraga koje nisu starije od 6 mjeseci, 453 istrage starije od 6 mjeseci do jedne godine i 744 istraga starijih od jedne godine, a neriješeno je ostalo ukupno 346 takvih istraga i to 247 istraga koje nisu starije od 6 mjeseci, 40 istraga starijih od 6 mjeseci do jedne godine i 44 istrage starije preko jedne godine.

RIJEŠENE ISTRAGE U TOKU 2015. GODINE

PERIOD	Do 6 mjeseci	> 6 mjeseci	>1 godine	> 2 godine	> 3 godine	> 4 godine	> 5 i više godina
KT	793	446	719	61	44	21	10
KTPO	15	5	16	9	6	1	8
KTK	5	2	7	10	3	2	5
KTRZ	-	-	2	1	2	-	1
UKUPNO	814	453	744	81	55	24	24

NERIJEŠENE ISTRAGE NA DAN 31.12.2015.

PERIOD	Do 6 mjeseci	Do 1 godine	>1 godine	> 2 godine	> 3 godine	> 4 godine	> 5 i više godina
KT	229	34	28	19	4	2	14
KTPO	11	4	7	1	1	2	1
KTK	6	2	4	-	-	2	-
KTRZ	1	-	5	-	1	-	-
UKUPNO	247	40	44	20	6	6	15

Dužina trajanja istraga okončanih u 2015. godini prikazana je u tabelama po vrstama predmeta i godinama, uzimajući u obzir prosjek dužine trajanja istraga koje se okončavaju obustavom i istraga koje se okončavaju optužnicom, s napomenom da bi podaci o trajanju istraga bili znatno bolji da je u TCMS bazi podataka predviđena mogućnost da se trajanje istrage računa od dana otvaranja istrage, a ne od dana iniciranja predmeta, kako je trenutno jedino moguće iz TCMS-a napraviti automatski izvještaj o trajanju istraga. Zbog toga smatramo da je u narednom periodu neophodno da se kao jedna od opcija filtriranja statističkih podataka o trajanju istraga uvede i računanje trajanja istrage od dana otvaranja istrage, odnosno donošenja naredbe o provođenju istrage, a u cilju objektivnog i realnog prikazivanja i korištenja takvih podataka.

DUŽINA TRAJANJA ISTRAGA U TOKU 2015. GODINE

PREDMETI	PODACI	2015	2014	2013	2012	2011
KT	Broj riješenih lica	1519	945	93	75	34
	Prosjek dana	74	188	550	752	922
KTPO	Broj riješenih lica	25	35	14	6	2
	Prosjek dana	85	239	476	924	690
KTK	Broj riješenih lica	16	11	16	6	3
	Prosjek dana	53	226	454	785	1085
KTRZ	Broj riješenih lica	-	5	2	3	-
	Prosjek dana	-	228	488	364	-
UKUPNO	Broj riješenih lica	1560	996	125	90	40
	Prosjek dana	74	220	487	749	938

Kod prijava koje nisu starije od dvije godine, Tužiteljstvo je riješilo ukupno 2391 prijava starih do dvije godine i to: 1775 prijava sa starošću do jedne godine i 616 prijava starijih od jedne godine, dok je sa starošću do dvije godine ostalo neriješenih ukupno 1018 takvih prijava i to: 801 prijava starija do jedne godine i 173 prijave starije od jedne godine.

RIJEŠENE PRIJAVE U TOKU 2015. GODINE

PERIOD	Do 1 godine	> 1 godine	> 2 godine	> 3 godine	> 4 godine	> 5 i više godina
KT	1649	578	70	55	14	6
KTPO	86	30	15	11	-	4
KTK	32	8	8	3	1	3
KTRZ	8	-	-	-	-	-
UKUPNO	1775	616	93	69	15	13

NERIJEŠENE PRIJAVE NA DAN 31.12.2015.

PERIOD	Do 1 godine	>1 godine	>2 godine	>3 godine	>4 godine	>5 i više godina
KT	696	123	27	3	-	-
KTPO	75	24	10	7	-	-
KTK	30	26	14	3	2	-
KTRZ	-	-	-	-	-	-
UKUPNO	801	173	51	8	2	-

Dužina rješavanja prijava okončanih u 2015. godini prikazana je u tabeli po vrstama predmeta i godinama, ali samo u odnosu na trajanje prijava kod donošenja odluke o neprovođenju istrage, dok podatak o trajanju prijava kod donošenja naredbe o otvaranju istrage nismo uvrstili u ovaj izvještaj, obzirom da isti, kao i kod izvještaja o trajanju istraga, nije uvršten kao mogućnost u TCMS bazi statističkih podataka, tako da i u ovom slučaju predlažemo da se u narednom periodu u izvještaj o trajanju prijava uvrsti i mogućnost izračuna dužine trajanja prijava kada se iste okončavaju naredbom o provođenju istrage.

DUŽINA TRAJANJA PRIJAVA U TOKU 2015. GODINE

PREDMETI	PODACI	2015	2014	2013	2012	2011
KT	Broj riješenih lica	178	79	26	21	5
	Prosjeak dana	44	231	352	788	516
KTPO	Broj riješenih lica	104	35	23	16	1
	Prosjeak dana	11	130	310	587	1782
KTK	Broj riješenih lica	33	3	2	1	-
	Prosjeak dana	23	284	653	1102	-
KTRZ	Broj riješenih lica	10	-	-	-	-
	Prosjeak dana	8	-	-	-	-
UKUPNO	Broj riješenih lica	325	117	51	38	6
	Prosjeak dana	86	86	438	826	1149

IX - AKTIVNOSTI PO PREDMETIMA IZ OBLASTI RATNIH ZLOČINA

Shodno utvrđenim obavezama iz Državne strategije za rad na predmetima ratnih zločina, i tokom 2015. godine, ovo Tužiteljstvo je nastavilo sa kontinuiranim kvalitetnim radom na predmetima ratnih zločina. Postupanje Tužiteljstva je usklađeno sa postupanjem Tužiteljstva BiH, odnosno propisanim obavezama iz Državne strategije za rad na predmetima ratnih zločina.

U ovoj izvještajnoj godini iz oblasti krivičnih djela protiv čovječnosti i vrijednosti zaštićenih Međunarodnim pravom, ukupno je u radu bilo 8 prijava protiv 12 lica, koje su ujedno i novozaprimljene prijave u toku 2015. godine, obzirom da iz ranijeg perioda nije bilo prenesenih prijava.

Tokom izvještajnog perioda riješeno je svih 8 predmeta u fazi prijave protiv 12 lica, na način da je za 2 lica donesena naredba o provođenju istrage, dok je protiv 10 lica donesena naredba o neprovođenju istrage. Na kraju 2015. godine nije ostala niti jedna neriješena prijava.

U ovoj izvještajnoj godini u 1 predmetu je donesena naredba o provođenju istrage protiv 2 lica, a iz ranijeg perioda preneseno je 12 istraga protiv 28 lica, tako da je ukupno u radu bilo 13 istraga protiv 30 lica. Po okončanim istragama, donesene su 3 naredbe o obustavi istrage protiv 10 lica, 2 istrage protiv 2 lica su riješene na drugi način, te je podignuta 1 optužnica protiv 1 lica i ista je potvrđena, dok je 1 optužnica protiv tri lica na kraju izvještajnog perioda bila u fazi finalizacije i ista je podignuta u januaru 2016. godine. Dakle, prema navedenim podacima, na kraju izvještajne 2015. godine u radu je ostalo 7 neriješenih istraga protiv 17 lica, te je realizacija plana za rješavanje predmeta ratnih zločina za 2015. godinu ostvarena u procentu od 50%.

Kantonalni sud u Zenici je u ovoj godini izrekao prvostepene presude protiv 6 lica, od kojih su protiv 4 lica izrečene osuđujuće presude sa izrečenim kaznama zatvora u ukupnom trajanju od 20 godina i 8 mjeseci.

U toku cijele godine tužitelji koji postupaju u predmetima ratnih zločina zastupali su podignute optužnice na glavnom pretresu pred Kantonalnim sudom u Zenici, pred kojim je održano ukupno 64 ročišta, na kojima je saslušano 58 svjedoka, 3 vještaka i 6 optuženih.

Analizom postignutih rezultata, može se reći da su tokom ovog izvještajnog perioda, postignuti relativno dobri, obzirom da je tokom 2015. godine ovo Tužiteljstvo uspjelo riješiti sve novopristigle prijave, kao i da je riješen veći broj istraga u odnosu na proteklu godinu.

U 2015. godini blokirana je isplata planirane tranše sredstava Evropske Unije putem IPA fondova, tako da ugovor za jednog stručnog suradnika nije produžen, dok su na istom projektu ostali raditi jedan stručni suradnik i jedan daktilograf, koji su se, uz pribavljenu saglasnost Vlade ZDK, privremeno finansirali iz budžeta Kantona.

Osim naznačenog, u okviru ove nadležnosti su se poduzimale aktivnosti i u predmetima ratnog zločina pod oznakom KTARZ i KTNRZ.

Iz ranijih godina preneseno je 77 KTARZ predmeta, dok je tokom godine zaprimljeno još 11 novih predmeta, tako da je u radu ukupno bilo 88 KTARZ predmeta. Tokom izvještajnog perioda riješeno je 16 predmeta, a neriješeno je ostalo 72 predmeta koji se uglavnom odnose na ekshumacije i identifikacije.

Tokom godine u radu je bilo i 62 predmeta po nepoznatim licima, od kojih je 56 predmeta preneseno iz ranijeg perioda, a tokom izvještajnog perioda je zaprimljeno novih 6 predmeta. U toku izvještajnog perioda riješeno je 15 predmeta protiv nepoznatih lica, što iznosi povećanje riješenosti ove vrste predmeta u odnosu na proteklu godinu za 87,50%, te je ostalo neriješeno 47 predmeta u kojima se provode istražne radnje.

Obzirom na trenutni broj predmeta u radu, kao i činjenicu da već duže vrijeme Tužiteljstvo BiH, ne prenosi nove predmete u nadležnost ovog Tužiteljstva u skladu sa kriterijima složenosti predmeta prema Državnoj strategiji za rad na predmetima ratnih zločina, u 2016. godini bit će smanjen broj tužitelja na referatu ratnih zločina, na kojim predmetima će raditi samo jedan tužitelj, uz asistenciju i pomoć dva stručna suradnika angažovana putem IPA sredstava, dok će preostala dva tužitelja biti preraspoređeni na referat privrednog kriminala i korupcije.

X - AKTIVNOSTI PO PREDMETIMA PRIVREDNOG KRIMINALA

U toku 2015. godine zaprimljeno je prijava protiv ukupno 433 lica za krivična djela iz oblasti privrednog kriminala i korupcije (krivično djelo primanje dara i drugih oblika koristi, zloupotreba položaja ili ovlaštenja, nesavjestan rad u službi, porezna utaja, obmana pri dobivanju kredita, nedozvoljena trgovina, krivotvorenje službene isprave, pronevjera u službi, prevara u privrednom poslovanju i druga). U odnosu prethodnu 2014. godinu, broj prijava za ova krivična djela je povećan za 21% (2014. god. – 358 prijava), dok je iz ranijeg perioda preneseno prijava protiv 395 lica, tako da je u radu bilo prijava protiv 828 lica, što je za 24% prijava u radu više u odnosu na protekli izvještajni period.

Tokom 2015. godine otvorena je istraga protiv 150 lica (21% više u odnosu na 2014. godinu, kada je otvoreno istraga protiv 124 lica), a iz ranijeg perioda preneseno je istraga protiv 109 lica.

Tokom izvještajnog perioda ukupno je riješeno prijava protiv 413, što je u odnosu na proteklu godinu 48,56% više riješenih prijava (2014. god. - 278 lica), te je riješeno istraga protiv 164, što je takođe povećanje od 37,82% u odnosu na 2014. godinu (2014. god. - 119 lica). Na kraju izvještajnog perioda ostalo je neriješeno prijava protiv 415 lica (2014. god. - 391 lica) i neriješenih istraga protiv 95 lica (2014. god. - 109 lica), te je podignuto ukupno 62 optužnica protiv 106 lica (2014. god. - 36 optužnica protiv 70 lica), što je povećanje broja optužnica za 72,22%, a broja optuženih lica za 51,43%. Optužnice su podignute protiv 43 lica zbog krivičnog djela zloupotrebe položaja ili ovlaštenja, što čini povećanje optuženih lica za ovo krivično djelo u odnosu na 2014. godinu za 207,14% (2014. god. - 14 lica), protiv 24 lica zbog krivičnog djela obmana pri dobijanju kredita ili drugih pogodnosti, protiv 9 lica zbog krivičnog djela nesavjestan rad u službi, protiv 2 lica zbog krivičnog djela prijevare u privrednom poslovanju, protiv 5 lica zbog krivičnog djela krivotvorenje službene isprave i druga. Od podignutih optužnica protiv 70 lica potvrđeno je njih 84, jedna optužnica je riješena na drugi način, dok za optužnice protiv preostalih 21 lica nije donesena sudska odluka u toku izvještajnog perioda, te je potvrđena i 1 optužnica protiv 3 lica koja je podignuta u prethodnoj izvještajnoj godini.

Analizom optuženja u 2015. godini, za krivična djela zloupotrebe položaja ili ovlaštenja i nesavjesnog rada u službi, u pogledu posebnog svojstva optuženih lica (službene ili odgovorne osobe), utvrđeno je da su 2 lica optužena za počinjeno krivično djelo u vršenju funkcije ministra, 3 lica u svojstvu policijskog službenika, 2 u svojstvu službenika-višeg referenta u MUP-u, 3 u svojstvu članova upravnog odbora javne ustanove, 1 u svojstvu dekana fakulteta, 1 u svojstvu načelnika općine, 1 u svojstvu direktora javnog preduzeća, 1 u svojstvu matičara, 1 notar i dr.

Sudovi su tokom 2015. godine donijeli osuđujuće presude protiv 72 (2014. god. - 37 lica), dakle 94,6% više u odnosu na proteklu godinu, kojim su izrečene zatvorske kazne protiv 9 lica (povećanje od 55,6 % u odnosu na 2014. godinu - 5 lica), uvjetne osude protiv 62 lica (povećanje od 93,75% u odnosu na 2014. godinu - 32 lica), novčana kazna je izrečena 1 licu, dok su za 7 lica donesene oslobađajuće presude, a odbijajućih presuda i rješenja o obustavi postupka nije bilo, pa se može konstatovati da su osuđujuće presude zastupljene u procentu od 91,14%, od ukupno donesenih presuda za ova krivična djela, što je znatno bolji rezultat nego u protekloj godini kada je taj procenat iznosio 84%.

U toku 2015. godine, u okviru programa USAID-a „Podrška pravosuđu u BiH“, angažovana su i dva eksperta iz oblasti ekonomije i kriminalistike, radi pružanja stručne pomoći u rješavanju složenijih predmeta privrednog kriminala i korupcije.

XI - OBUSTAVLJENI POSTUPCI ZBOG ZASTARJELOSTI GONJENJA

U skladu sa uputama Visokog sudbenog i tužiteljskog vijeća BiH, u izvještaju ćemo posebno brojčano pokazati obustavljene postupke zbog zastarjelosti krivičnog gonjenja, kako slijedi:

Vrsta predmeta	Obustavljanje postupka-apsolutna zastarjelost gonjenja	Obustavljanje postupka-relativna zastarjelost gonjenja	Ukupno
KT	9	9	18
KTN	3	509	512
Ukupno	12	518	530

Iz naznačenih podataka se vidi da je u 18 KT predmeta postupak obustavljen zbog zastarjelosti krivičnog gonjenja, a do zastarjelosti krivičnog postupka je došlo kao i ranijih godina, zbog nedostupnosti osumnjičenih za kojima su cijelo vrijeme, do roka zastare, bile raspisane potjernice, i za njima se intenzivno tragalo sve dok nije nastupila apsolutna zastarjelost za krivično gonjenje, dok je relativna zastarjelost nastupila u slučajevima kada je izvještaj o izvršenju krivičnog djela dostavljen Tužiteljstvu nakon protoka roka za relativnu zastarjelost krivičnog gonjenja. Dakle, do zastarjelosti krivičnog gonjenja u KT predmetima je došlo iz objektivnih razloga.

Kod predmeta sa nepoznatim počiniocem, u 3 KTN predmeta je nastupila apsolutna zastarjelost krivičnog gonjenja, dok je u 509 KTN predmeta obustavljen postupak zbog nastupanja relativne zastarjelosti krivičnog gonjenja, takođe sve iz objektivnih razloga.

Gledajući zbirni podatak, u 2015. godini je smanjen je ukupan procenat obustavljenih postupaka zbog zastarjelosti gonjenja u odnosu na 2014. godinu i to za 46,63%.

XII – ZADUŽENJE TUŽITELJA

U 2015. godini prosječan broj zaduženih predmeta po tužitelju iznosio je 191,4 predmeta (isključujući predmete Glavnog tužitelja i Zamjenike GT, koji imaju i druge vrste zaduženja osim rada na predmetima), tako da je u ovoj izvještajnoj godini 8 tužitelja imalo broj zaduženih predmeta veći od prosječnog broja, dok je njih 13 imalo manji broj predmeta od prosječnog zaduženja, isključujući 2 novoimenovana tužitelja. Raspodjela i zaduženje tužitelja predmetima vršena je ravnomjerno tokom cijele izvještajne godine, a navedena odstupanja su posljedica zaduženja tužitelja predmetima za vrijeme obavljanja dežure, na što se objektivno ne može utjecati, kao i činjenica da su tužitelji Odjela II, u čiju nadležnost spadaju imovinski delikti, zaduženi većim brojem predmeta po nepoznatim počiniteljima.

PROSJEČNO ZADUŽENJE TUŽITELJA u periodu od 01.01.2015. do 31.12.2015.godine		
Prosječan broj zaduženih predmeta na nivou Tužiteljstva	Broj tužitelja sa većim zaduženjem od prosječnog	Broj tužitelja sa manjim zaduženjem od prosječnog
191,4	8	13

Analizirano po pojedinim vrstama predmeta (KT, KTN, KTA, KTM), ukupno zaduženje tužitelja je kako slijedi: KT predmeti - 2581, KTN predmeti – 1022, KTA predmeti –1072, KTM predmeti –130 i ostali predmeti - 252. Navedena zaduženja predstavljena su i u tabeli:

PREDMETI	KT			KTN		KTA		KTM	OSTALO
	KT	KTPO KTK	KTRZ	KTN	KTN RZ	KTA	KTA RZ	KTM KTMP	
UKUPNO ZADUŽENJE	2352	221	8	1016	6	1061	11	130	252
	2581			1022		1072		130	252

XIII – PRESUDE DONESENE OD STRANE SUDOVA

Sudovi su, po optužnicama podignutim u izvještajnom periodu te po optužnicama iz ranijih godina u kojima nije bila donesena prvostepena presuda, donijeli presude protiv 2255 punoljetnih lica (2014. god. - 2326). Tokom izvještajnog perioda sudovi su donijeli i 17 sudskih odluka koje se odnose na obustavu postupka, pa je ukupan broj sudskih odluka 2272.

Po vrstama presuda u 2015. godini, sudovi su donijeli ukupno prvostepenih osuđujućih presuda protiv 2083 punoljetnih lica, uračunavajući i izrečenih 9 sudskih opomena (2014. god. - 2129), što je manje za 46 lica u odnosu na prethodnu godinu, dok je oslobađajućih presuda doneseno protiv 130 punoljetnih lica (2014. god. - 138), dakle za 8 lica manje u odnosu na 2014. godinu, kao i 42 odbijajućih presuda, što je manje za 17 lica u odnosu na prethodnu godinu (2014. god. - 59). Ukupno smanjenje broja oslobađajućih i odbijajućih presuda u odnosu na izvještajni period iz 2014. godine iznosi 20%, tako da njihov udjel u ukupnom broju donesenih presuda iznosi 7,62, dok su osuđujuće presude, u odnosu na oslobađajuće i odbijajuće presude, zastupljene sa 92,38%, što je odličan rezultat.

Pokazatelji	Osuđujuće presude	Oslobađajuće presude	Odbijajuće presude	UKUPNO
Brojčani iznos	2083	130	42	2255
Procentualni iznos	92,38%	5,76%	1,86 %	100%

Protiv prvostepenih presuda u izvještajnoj godini uloženo je žalbi u odnosu na 161 lice (2014. god. - 137), drugostepeni sudovi su riješili ukupno 121 žalbu (2014. god. - 116). Od svih riješenih žalbi, uvaženo je žalbi u odnosu na 24 lica (2014. god. - 36). Žalbe su odbijene u odnosu na 97 lica, dok je kod drugostepenih sudova ostalo neriješenih žalbi u odnosu na 109 lica.

Iz prikazanih podataka proizilazi da je i dalje visok procenat odbijenih žalbi od strane drugostepenih sudova, Tužiteljstvo će i dalje nastaviti da insistira na pooštavanju kaznene politike ulaganjem žalbi zbog odluka o kazni, posebno glede povratnika, bilo da su u općem ili specijalnom povratu, opozivanja uvjetnih osuda i pobijanja oslobađajućih presuda, kada Tužiteljstvo smatra da je svojim dokazima uspjelo dokazati navode optužnice.

Posebno ističemo da kvalitet tužiteljskih odluka iznosi visokih 94%, a prema propisanim parametrima za njegov izračun koji uzimaju u obzir broj i vrstu pravosnažnih sudskih odluka u odnosu na broj podignutih optužnica i prijedloga za izricanje vaspitnih mjera i maloljetničkog zatvora.

XIV - R E Z I M E

Zahvaljujući angažovanosti tužitelja koji su obavljali svoju funkciju u okviru zakonskih ovlaštenja, izvršavanjem zadataka postavljenih u okviru istraga, optuženja, žalbenog postupka, te preduzimajući mjere i radnje u cilju zakonitog, kvalitetnog, ažurnog i efikasnog rada, kao i doprinosu drugih uposlenika Tužiteljstva, postignuti su izuzetno dobri rezultati, obzirom na kadrovsku nepopunjenost. Naročita pažnja poklanjala se provođenju istraga, prikupljanju relevantnih dokaza, te kvalitetu optužnica, tako da je zahvaljujući sveukupnom angažmanu postignut rezultat koji je očekivan.

Kao poseban uspjeh treba istaći postignuti kvalitet tužiteljskih odluka u procentu od 94%, po podignutim optužnicama i prijedlozima za izricanje vaspitnih mjera i maloljetničkog zatvora, naročito što se ovakvi rezultati bilježe u kontinuitetu u posljednjih 9 godina, kao i postignutu bolju efikasnost u radu na predmetima iz oblasti ratnih zločina, privrednog kriminala i maloljetničkog kriminala, predmeta iz ranijih godina, što se vidi iz Izvještaja.

Tokom 2015. godine ovo Tužiteljstvo je ostvarilo kolektivnu normu od 108,1%, dok najveća pojedinačno ostvarena norma iznosi 162,22%, a najmanja 83,02%.

Glede kvaliteta rada Tužiteljstva u izvještajnom periodu, a shodno Kriterijima za ocjenjivanje rada tužitelja, može se reći da je isti bio na visokom nivou, obzirom da je Tužiteljstvo i sa znatno smanjenim kadrovskim kapacitetom uspjelo ostvariti kolektivnu normu od 108,1% i da se prema ostvarenim bodovima rad Tužiteljstva kvalificira kao izuzetno uspješan.

Tokom izvještajnog perioda od ukupno riješenih predmeta, sukladno Pravilniku o vremenskim okvirima za postupanje u predmetima u sudovima i tužiteljstvima u BiH, u predvidivom roku riješeno je 80% predmeta, a sa prekoračenjem predvidivog roka riješeno je 20% predmeta, dok je u optimalnom roku riješeno 1169 predmeta.

Takođe, u ovom izvještajnom periodu, od ukupnog broja neriješenih predmeta, 27% neriješenih predmeta je sa prekoračenjem predvidivog roka, a 73% neriješenih predmeta je bez prekoračenja predvidivog roka.

Prioritet u radu su imali: predmeti iz oblasti privrednog kriminala i korupcije, predmeti ratnog zločina, predmeti u kojima su osumnjičeni bili u pritvoru (46 punoljetnih lica i 1 maloljetno lice), te maloljetnički predmeti.

Iz naprijed navedenog slijedi da bi ovo Tužiteljstvo imalo u potpunosti ažurno stanje, da su predviđeni kadrovski kapaciteti bili popunjeni.

Ovo Tužiteljstvo je tokom izvještajne godine u potpunosti odgovorilo na sve zahtjeve javnosti u smislu blagovremenog i objektivnog obavještanja javnosti o aktivnostima Tužiteljstva, te se blagovremeno odgovaralo i na sve podnesene zahtjeve u skladu sa Zakonom o slobodi pristupa informacijama FBiH, kojih je u 2015. godini ukupno bilo 105, iako je sve do 01.05.2015. godine, mjesto državnog službenika za odnose s javnošću bilo upražnjeno.

Posebno treba istaći da su u izvještajnoj godini nastavljene aktivnosti na uređenju Arhiva Tužiteljstva, te su poduzete sve mjere u skladu sa Zakonom o arhivskoj građi Federacije BiH.

Ovo Tužiteljstvo je i tokom 2015. godine, kao i dosada, a s ciljem jačanja tužiteljskih kapaciteta u krivično-pravnom sistemu, u saradnji sa VSTV-om, poduzimalo aktivnosti u okviru USAID-ovog projekta "Podrška pravosuđu u BiH", u okviru kojeg su tokom 2015. godine angažovana dva eksperta iz oblasti ekonomske i kriminalističke struke koji su pružili stručnu pomoć i asistenciju u rješavanju složenijih predmeta privrednog kriminala i korupcije. U okviru ovog Projekta u novembru 2015. godine dva tužioca ovog Tužiteljstva su prisustvovala šestodnevnoj stručnoj edukaciji na temu „Istraživanje i procesuiranje službene korupcije“, a koje je organizovano od strane CELLI pravnog instituta za centralnu i istočnu Evropu.

Takođe, u okviru pomenutog USAID-ovog Projekta, Tužiteljstvo je dobilo sredstva za angažovanje tri pravna saradnika za podršku i pomoć u rješavanju starih predmeta, na inicijalni period od šest mjeseci.

XV - PLANIRANE AKTIVNOSTI ZA NAREDNU GODINU

Da bi se ostvarili dobri rezultati i u 2016. godini, bit će potrebno svakodnevno i kontinuirano poduzimati mjere i aktivnosti koje će dovesti do postizanja tog cilja i to:

- Održati i povećati dostignuti stepen efikasnosti i kvaliteta u radu, posebno u rješavanju predmeta privrednog kriminala i koruptivnih krivičnih djela, predmeta ratnog zločina, te predmeta iz ranijih godina,
- Osigurati neometan rad Tužiteljstva u toku planiranog preseljenja u novoizgrađenu zgradu,
- Popunjavanje tužiteljskih pozicija prema Odluci VSTV-a o povećanju broja istih, za četiri nova tužitelja,
- Popunjavanje radnih mjesta državnih službenika i namještenika prema odobrenom Pravilniku, prije svega stručnih suradnika,
- Provoditi kontinuirane aktivnosti na rješavanju starih predmeta u skladu sa Planom za 2016. godinu, te pratiti realizaciju istog,
- Usavršavanje TCMS-a i prilagođavanje stvarnim potrebama rada u Tužiteljstvu, te efikasnijem vođenju svih evidencija,
- Kontinuirano stručno, te informatičko usavršavanje tužitelja i drugog osoblja,
- Praćenje i rad u skladu sa Pravilnikom o orijentacionim mjerilima za rad tužitelja u tužiteljstvima u Bosni i Hercegovini,
- Praćenje i rad u skladu sa Pravilnikom o vremenskim okvirima za postupanje u predmetima u sudovima i tužiteljstvima u BiH i Odlukom o predvidivim rokovima,
- Praćenje i rad u skladu sa Kriterijima za ocjenjivanje tužitelja u BiH.

GLAVNI TUŽITELJ

Vesna Kaknjo